Mga Bulak ug Panghupaw kang Jesus
(Flores y Suspiros a Jesus)

Devocion sa Siyam ka Unang Viernes
sa Bulan sa Mahal ug Sagrado
nga Kasingkasing ni Jesus

Hinubad ni
A. R. de Borromeo

CEBU
OBISPADO
DE
CEBU
CEBU, I. F.

Con esta fecha ha decretado S. S. y Rdma. el Obispo mi Señor lo siguiente:

"Por la presente y por lo que a Nos toca, damos nuestra licencia para que pueda imprimirse y publicarse el manuscrito titulado "Mga Bulac ug mga panghupaw kang Jesus" traducido por la Sra. Anunciacion R. de Borromeo, mediante que de nuestra orden ha sido examinado y no contiene según la censura cosa alguna contraria al dogma y sana moral y mandamos que se inserte este nuestro permiso al principio de cada ejemplar.

Lo que de su orden transcribo a Vd. para los fines consiguientes.

Dios guarde a Vd. muchos años.

Cebu, Cebu, Dic. 22, 1922

JOSE M. CUENCO, Sec. de SS. y Rdma. el Obispo Juan Gorordo.

REIMPRIMASE

A. Van ZUYT, ad hoc del
Baguio, 15 Nov., 1923.
KALAG NGA DEVOTO

Kining diyutay nga pangadyeon nga ginganlan ko ug "Mga bulak ug mga panghupaw kay Jesus" mao ang hubad sa mga devocion nga kinatsila nga gitawag "Devoción de los nueve primeros viernes", ug "Triduo al Sagrado Corazón de Jesús". Dinhi hikaplaygan mo ang duha ka devocion nga labing mapuslanon. Ang nahiuna mao ang pagkalawat sa makausa sa usa ka bulan nga magsunsodsunod i-atol gayud sa una nga viernes sa tanan nga bulan ug pangadyeon ang mga pagampo sa tagsatagsa. Ang ikaduha mao ang pagpangadye sa totolo ka adlaw nga magsunsodsunod.

Langani pagbasa ang Iyang mga tinguha ug saad niini nga basahun kay walay duhaduha, kalag nga mahigugmaon, nga makapahinaklog sa kasingkasing mo, ug dihadiha danihon ka sa pagtuman niini nga devocion nga modagkut sa gugma nga gadilaab ni Jesus sa atong mabugnaw nga modani sa tanan nga gracia nga buot ta pangayoon kaniya. Dili lang kay kini gi-saad niya kag Santa Margarita Maria Alacoque ug dili daghan gayud ang mga hinabo nga makagmatuod nga tungud ning devocion, ihatag ang tanan nga pangayoon kaniya. Ug labing bag-o mao ang nahinabo sa nagsulat niini. May mingdangat kaniya nga duha ka kaguol nga labing dagku ug daw napawong na sa iyang kalag ang tanan nga paglaum sa tabang sa kalibutan. Dunay mga adlaw nga daw lumsan na ang kasingkasing niya sa hilabihan nga kaguol, apan inubanan sa tugob nga paglaum kanunay nga hangyo niya kang Jesus, labi na sa mga kamingawan sa gabii nga ang kalibutan hilum na, iay pagkainit niadtong daghan luha nga ginasingarning niya sa mga pag-ampo! Kadtong mga luha gikan sa iyang kasingkasing mingtagdo ngatanan ngadto sa malomo nga kasingkasing ni Jesus, ug wala madugay, daw aso nga napanas sa kahanginan, mao ang gidangat niadtong dakung kaguol nga kaingon niya makamatay. Oh! Katingalahan, mao day makahatag ning kalipaya kadto nga mingsaad: "Ako mao ang mohatag, usahay akong bawion; apan ug mapabsanok ka, imo kanako nga pangayon, i-uli ko usab kanimo, ganj labaw pa niadtong imo nga gipaabut." (Mga pulong ni Jesus.)

Naaghat ako pagtigum ug gahum gikan sa akong kaluya ug walay kahi-
balo, aron sa paghubad ning mga devocion nga kanako nakaluwas, aron usab ang uban makag ani. Pasalamat usab kini sa dionsnon nga kaloooy. Ang “Siyam ka una nga Viernes” mao ang devocion nga daw bulak gikan sa kasingkasing ta, kay maoy devocion nga pinili ni Jesus.
Ang Triduo, maoy gitanding ko sa panghupaw, kay ang iyang mga laray puno sa pag-ampo ug pangayo ug kalipay sa tanan kagul-anan. Kalag nga masulub-on pangamuyo kong Jesus ug hinumdumi kining Iya nga malomong pulong: “Umari Kanako kamo ngatanan nga tugub sa kahago ug kasakit kay lipayon Ko kamo.”

PAG-AMPO KANG JESUS

Oh, matam-is uyamut nga Jesus! Sama sa usa ka magsasakay, ang alaut ko nga kasingkasing dinuyanduyan sa mga balud sa kaguol hapit na unta Malunod, apan daw usa ka masiga nga adlaw gidan-agan sa imo nga silaw ang diyutay nga sakayan ug gitultulan mo sa dunggoanan sa kalipay. Kutub ni-adtro nga bulahan nga adlaw nakagsakay na sa usa ka dagat nga malinaw, nag-awit sa pagdayeg kanimo ug nagpahimulos sa kalipay nga imo nga gi-thon kaniya.

Ayaw ituget nga mapalong ang ubus ko nga gugma sa imo nga amahanon nga kasingkasing, kay ang katam-is sa imo nga devocion dili nga gayud ika-baylo sa tanan nga kalipayan nga ihagtag sa kalibutan kay dihadiha kini mapapas dayon. Matuod gayud nga ang mao nga langit ug makulang pa didto ang imo nga gugma, nawad-an sa tanan nga himaya ug kalipay; kay ang gugma mo, matud sa usa ka santos, mao ang langit.

Dawata Ginoo ang kasingkasing ko ug kalag nga uban sa mga kalag, kasingkasing ug lawas sa tibuok ko nga banay, kanimo ako nga ihalad; ikaw kanamo ang maghari, mag-agak, magdapig ug ikaw kanamo ang magsugot kay ikaw man ang amo nga tag-iya. Amahan ko ug Dios ko, himoa nga moagi kanimo ang tanan mahanabo kanamo, kalipay o kasakit, kaayohan o kadautun, pagdaug o kapildihan; aron ang maayo nga palad imo nga bendicionan ug sa kadautun, imo gayud intawon kami nga tabangan. Amen.

PAG-AMPO KANG MARIA SANTISIMA

Maria, matam-is ko nga inahan, inahan sa mga ilo sa gracia, kanimo nagamuy ng kabus kay ikaw man
ang bahandianon nga maloloy-on. Kini nga talamayon mo nga anak ani-a, hubo sa kaayohan bistih sa mga matahum nga saput sa mga virtudes aron mahlangay kanimo.

Kini nga alaut nga giuhaw sa gracia padaligdigi sa matin-aw nga tu-big sa imong gugma aron makakaplag sa gahum sa pagtuman sa mga balao nga diasnon nga sa kanunay iya nga nalapas. Tungud niini, daghan silot manangat kanako, daghan nga mga kaguol nga ako nga gibati, nga ikaw day makalipay; lipaya ako, hatagi ako sa gracia nga matumon ko ang mga maayo ko nga saad ug kanunay unta nga magdayandayan sa akong kinabuhi ang malomo nga devocion kanimo. Dawata ang gugma ko ug kaloy-i ako. Amen.

**PAG-AMPO KANG SAN JOSE**

San Jose, mananabang sa mga himalatyon, paambita ako ug diyutay nga alipato sa gadilaab mo nga gugma kang Jesus aron ko masunod ang santos mo nga mga lakang ning kinabuhi. Ikaw, bulahan nga mananabang sa himalatyon, hatagi ako ug ang akong kaubanan ug usa ka santos ug bulahan nga kamatayon. Amen.

Jesus, Maria ug Jose, tambongi ka-

mi sa takna sa amo nga kamatayon. (Mga pag-ampo sa gahubad ning mosunod nga devocion)

—OXO—

**MGA TINGUHA UG SAAD NI JESUS**

Niadto nga mangalawat sa siyam ka unang Viernes sa Bulan

Pamati-a kalag nga cristianos; pamati-a ang akong mga pulong nga mahinay, puno sa kinabuhing dayon ug tipigi sa kasingkasing mo.

Usa niana ka viernes sa iyang pagkalawat gisultihan ko ang akong pinalangga nga anak nga si Beata Margarita Maria Alacoque sa mosunod: “Isaad ko kanimo sa daku uyamut nga kaloooy sa kasingkasing ko nga ang akong gugma nga makagagahum sa ngatanan mohatag niadtong tanan nga mokalawat sa siyam ka unang viernes sa bulan, apan siyam ka bulan nga magsunodsonod, sa gracia sa katapus na nga paghinulsul; mamatay sila sa akong gracia ug madawat usab nila ang mga sacramento, ug sa katapus nga takna, ang kasingkasing kong diasnon mahimo nga malig-on ug seguro nga puloy-anan nila.”

Nakita mo na kalag nga cristianos ang kadaku sa akong tinguha nga mo-
dagsang unta ang pagkalawat sa mga unang viernes sa bulan. Kinsa kaha ang hilabihang ka tig-a ug kasingkasing nga dili mobuot sa pagtuman ning tinguha sa ako nga kasingkasing?

Ug imo kining buhaton nga pansangyaw sa devocion sa pagkalawat sa siyam ka unang viernes sa bulan nga magsunod-sunod, isaad ko kanimo ang kadait, kalinaug ug kalipay sa imong kasingkasing sa tanan nga adlaw sa imo nga kinabuhi; kalipay nga babati-on mo hangtud sa ganghaan sa kamatayon; kay unya mahimo nimo ang pagsunod pagsulti sa gipamulon ni B. Margarita Alacoque sa dayon niyang kamatay: "Pagkatam-is sa kamatayon niadto nga nagdevocion sa sagrado nga kasingkasing ni Jesus."

**DEVOCION**

Sa Pagkalawat sa mga Unang Viernes sa Bulan
Mga pag-ampo sa dili pa mokalawat

**UNANG VIERNES**

"Ako mahimo nga ila nga dalangpan sa kinabuhi ug sa kamatayon."
(Pulong ni Jesus kang B. Margarita Maria Alacoque.)
Isaad ko kanimo sa daku uyamut nga kaloooy sa ako nga kasingkasing nga ang gigma kon labing makagagahum, mohadag sa tanan nga mokalawat sa mga unang viernes sa bulan nga mosunod-sunod, sa gracia ug ila nga madawat ang mga Sacramento kay ako sila nga tabangan sa katapusan nga takna.

Oh maayo nga Jesus: nga gisaad mo ang pagtambong sa kinabuhi ug labi na sa takna sa kamatayon niadto nga sa dakung paglaum mangamuyo sa imong diosnon nga kasingkasing! Ihalad ko kanimo ang pagkalawat ko karon nga adlaw, aron sa pagkab-ut tinabangan ni Maria Santisima, nga imo nga inahan sa gracia sa pagtuman niini nga tuiga sa devocion sa siyam ka una nga viernes, nga makatabang kanako paghiagum sa langit ug pagkab-ut sa usa ka santos nga kamatayon.

Jesus ko, ihatag ko kanimo ang kasingkasing ko, ihalad ko kanimo ang tibuok kong kinabuhi; sa mga kamut mo itugyan ko ang walay katapusan nga palad sa ako nga kalag ug pangayoon ko kanimo ang gracia nga daku sa pagtuman sa siyam ka una nga viernes hupong sa mga kinahanglanon aron sa paghiagum sa pagtapon kani-mo sa dayon kalipayan sa langit. Amen.
IKADUHANG VIERNES

Ihatag ko kanila ang tanan nga gracia nga ila nga kinahanglanon sa ila nga pagkabutang. (Jesus kang B. Margarita Maria Alacoque.)

Jesus nga maloloy-on uyumut nga mingsaad ka niadto nga tanan nga masinaligon mangamuyo sa imo nga sagrado nga kasingkasing nga sila imo nga hatagan sa mga gracias nga kinahanglanon sa ila nga pagkabutang. ihalad ko kanimo ang pagkalawat ko niini nga adlawa aron ko makab-ot, tinabangan sa imo nga sagrado uyumut nga kasingkasing ang gracia sa usa ka malomo, bug-os ug malig-on nga devocion sa mahal nga Virgen Maria.

Bisan unsa oh Jesus ang pagkabutang nga ipaangkon mo kanako, kini nga gracia maoy labi nga kinahanglanon ko kay sa uban. Makanunay lang ang pagpangamuyo ko sa mapuslanon nga panabang ni Maria, siya mao ang motabang kanako sa paghigugma sa Dios pagtuman sa ako nga mga katungdanan ug dili gayud niya ako bi-

IKATOLONG VIERNES

Hatagan ko sa pagdait ang ilang mga banay. Bendicionan ko ang mga dapit nga pagsaologan sa larawan sa akong kasingkasing. (Mga pulong ni Jesus).

Mahigugmaon uyumut nga Jesus nga mingsaad ka sa pagbendita sa mga balay nga magsaolog sa larawan sa imong kasingkasing sagrado, himoa nga siya maghari sa ako nga panimalay. Ihalad ko kanimo ang pagkalawat ning adlawa aron ko makab-ot tinabangan sa pag-ampl sa atong santa nga Inahan nga tanan ug tagsatagsa ka tawo sa akong banay, makaila sa ilang mga katungdanan, hingpiton nila pagtuman aron nila hiaguman ang laingit hupong sa mga maayong buhat.

Oh Jesus! nga gihimo mo ang pagpaiway sa among panimalay ang kabubut-on nga dautan, bingkilbingkil, ang mga kasakit ug ang mga kapait, himo-a nga ang among kinabuhi ma—
himo nga usa ka walay bugto nga pag-pasalamat tungud sa daghan nga ka-ayohan nga imo kanamo nga ihatat. (Isunod ang Jesus ko, ihatat ko kanimo... sama sa una nga viernes.)

IKAUPAT KA VIERNES

Lipayon ko sila sa tanan nila nga kagul-anan. (Pulong ni Jesus).


(Jesus ko, ihatat ko kanimo..... sama sa una nga viernes.)

IKALIMA KA VIERNES

Buboan ko sa daghan nga kaayohan ang tanan nila nga mga buhat. (Mga pulong ni Jesus).

Maaghup nga Jesus ko, nga mingsaad ka nga bendicionan mo ang tanan nga buhat niadto nga masinaligon ma-ngayo sa imong diosnon nga kasing-kasing, ihalad ko kanimo ang pagkalawat ko ning adlawa aron makab-ot tungud sa mga pahanungdan mo ug sa imong santos nga inahan, ang Virgen Maria, ang gracia nga bendicionan mo, ang ako nga pagtoon, ang akong mga examen, ang akong oficio ug tanang mga buhat sa akong kinabuhi.


(Jesus ko... sama sa una nga viernes).

IKAUNOM KA VIERNES

Ang makasasala makakaplag sa akong kasingkasing sa lawod nga mga kaloooy. (Mga pulong ni Jesus).

Sagrado nga Kasingkasing ni Jesus! Kanunay nga inabilihan alang sa makasasala nga mahinulsulon ihalad ko kanimo ang pagkalawat ko niini nga
adlaw na tungud sa gahum mo nga wala kay kinutuban ug ni Maria Santisima nga atong inahan, ang paghinulsul sa tanan nga mga dautan ug buhat. Ipanngamuyo ko kanimo, Oh maayo ko nga Jesus nga lukpon mo ang ilang kasingkasing sa usa ka kasakit sa pagpakasala nila kanimo. Himo-a nga sila kanimo moila ug mahigugma. Hatagan ako sa gracia sa paghiugugma kanimo nga kanunay maglabig uswag sa tanan nga horas sa akong kinabuhi aron sa paglipay kanimo, bayad sa tanan nga kanimo nalimot. Amen.

(Jesus ko, ihatag ko kanimo...)

IKAPITO KA VIERNES

Ang mga kalag nga mabugnaw makakaplag ug kadasig.
Ang kalag nga madasig, madali nga makakaplag sa usa ka daku nga kahingpitan. (Mga pulong ni Jesus)
Gawas sa imo nga panabang, Jesus ko, dili kami makauswag sa dalan sa kaayohan. Tuguti ako, Gino nga pinasa sa Virgen Maria, ihalad ko kanimo ang pagkalawat niini nga adlaw, aron imo nga dasigon sa akong kalag ang gugma sa imong Sagrado nga Kasingkasing ug ihatag kining gugma niadto nga wala mobati kaniya. Tinabangan sa imong gracia nga

IKAWALO KA VIERNES

Ang tanan nga nanaghago alang sa kaluwasan sa mga kalag hatagan sa gahum sa paghumok ug pagtandog sa mga matig-a ug kasingkasing. (Pulong ni Jesus.)

Sagrado nga Kasingkasing ni Jesus, nga gisaad mo ang pagtudlo sa mga pulong nga makabibihag niadto nga tawo nga managhago sa kagawasan sa mga kalag, mga pulong nga makalipay, makapahinoklog modani sa mga kasingkasing dili mo itungina sa mga bata nga kanimo nga nangayo ning gracia. Ihalad ko kanimo ang pagkalawat ning adlawa, aron makabut tinabangan ni Maria nga Santa uyamut ang gracia nga hibalohan ko unta ang paglipay sa mga manag-antus ug ang gracia sa pag-ulj kanimo, Ginoo niadto nga manalikod kanimo.
Matam-is ka Manunubus, itugot kakanako ug tabangi ako paglubwas sa mga kalag! Pagkadaghlan, daghan uyumut niadto nga mga masalaypon nga magtukmdud sa uban padulong sa dalan sa mga sala ug sa infiermo! Ilimoa, Ginoo nga ang kinabuhì ko magpuluis unta aron mahimo nga maayo nga tawo ang tanan nga naglibut kanako. 
(Jesus ko...)

IKASIYAM KA VIERNES

Tipigan ko ang handumanan nga walay katapusan sa kalag nga gatinguha ug gihago alang sa labi nga dakung himaya sa akong kasingkasing. Ipatik ko sa akong kasingkasing, diin dili nga gayud mapanas ang mga ngalan niadto nga managsabwag nga modagsang unta kining devocion. (Si Jesus kag Beata Margarita de Alacoque.)

Maayo ko nga Jesus, ihalad ko kanimo ang pagkalawat ko niini nga adlaw, aron makab-ut ko ang gracia sa pagkabig sa tanan nga galibut kanako sa pagbaton ug usa ka paglaum nga walay kinutuban sa kalooy sa Kasingkasing mo nga Diosnon! Hatagí ako ug gahum nga akong kinahanglan aron sa pag-agak padulong kanimo sa mga makig-away, mga managhilak, sa manghidugmo ug niadto nga manag-

padulong sila sa kamatayon! Ug, Oh Jesus ko, ipakatakus intawon ang pagpatik sa ngalan ko diha nang malolot mo nga kasingkasing ug ingna ang manulonda nga galibut diha sa imong Sagrario: Kini mao ang ngalan niadto nga bata nga tungud sa hilabihan nga paghigugma niya kanako buot niya ako lipayon sa kalimot ug sa pagka-walay pasalamat sa mga tawo nga akong tinubus... (Jesus ko, sama sa unang Viernes)

TRIDUO
sa Sagrado nga Kasingkasing ni Jesus

Hinubad sa Devolucionario “Para Ir Al Cielo”

UNA NGA ADLAW

Amahan nga walay kinutuban, makagagahum nga Dios, nga kanunay mahigugmaon ug maloloy-on sa imo nga mga binuhat, miiong ka, “Pangayo-a ninyo kanako ang tanan ninyo nga kinahanglan tungud sa ngalan sa akong mahigugmaon uymut nga anak si Jesus.” Tungud ning kasingkasing dunggon ko ikaw ug makab-ut mo bisan unsay imong pangayo-on kanako.” Masinaligon ning diosnon nga saad, ania ako kanimo Dios ko, puno sa pag-laum, masinaligon ug mapausan-on sa
paghangyo kanimo, nga imo na nga ihatag ang kalipay sa kasakit nga akong giantus.

Matuod hino-on nga tungud sa akong nga sala angay mag-antus kanunay, apan ihalad ko kanimo aron mapoypoy ang imong diosnon nga mga hukum, ang tanan dungog nga kanimo ihatag, sa kasingkasing nga sagrado uyamut sa imong Anak.

Pasayloa ako, Amahan ko, pasayloa ako, ingon sa pagpasaylo mo kanunay sa mahinulslon nga nangamuyo kaniyo ug hatagi na intawon ako sa gi- hangyo ko tungud sa kasingkasing ni Jesús, hinigugma ko nga manunubus.

(Usa ka Amahan namo.)

PAG-AMPO SA SAGRADO NGA KASINGKASING NI JESUS

Kasingkasing mahigugmaon ni Jesús, matam-is nga kalipay sa kalag nga nalumus sa kapaitan, pinuy-anan sa ka diosnon, ako kanimo nahagugma..... Kanimo mianhi ako, puno sa paglaum sa imong kaloooy nga walay katapusan, kaloy-i, kaloy-i ako diosnon nga kasingkasing, tan-awa ang akong kasakit, tan-awa ang ako nga kaguol; kaloy-a na ang ako nga pag-antus.

(Pangayon-on sa daku nga kadasig sa kasingkasing kang Jesús, ang kalipay sa kaguol nga gibati.)

Hangyo-on ko ikaw mapuanguron uyamut nga kasingkasing nga ang pag-ampo ko dili na maoy hangyo sa usa ka kalag nga sinakit, ug dili hinonoa usa ka pag-awit, daygon kanimo matahum uyamut nga kasingkasing tungud sa kalipay nga gihatag mo sa akong kapait ug kaguol.

Moanhi ako matag adlaw sa paghalad kanimo sa akong gugma, mga pagdayeg sa ako nga pagmahal ug sa akong nga pasalamat.

Moanhi ako sa pagdawat sa santos nga katam-isan nga ginapatagamtam mo niadtong nga kalag nga mahigugmaon ug masinaulogon sa imo nga mahigugmaon nga kasingkasing; moanhi ako sa pagduaw kanimo sa dalayon nga Sacramento sa Sagrada Eucaristia. Ikaw maoy nagsantos sa ako nga kalag ug puhoon mo ang da- utan nga makita mo kaniya, himoon mo nga mabulahan ang ako nga kina- buhi, ug imo gayud intawon ako nga hatagan sa katapusan nga adlaw sa ako nga kinabuhi sa imong tanan nga kaloooy; mao kini ang gipaabut ko sa imo nga kaayo nga walay katapusan nga mapaubusanon ug mangihalaron gipangamuyo ko kanimo. (Usa ka Maghimaya ka Maria.)
PAG-AMPO KANG MARIA SANTISIMA


IKADUHA KA ADLAW

Jesus nga mahigugmaon, akong Dios, akong mahigugmaon nga Amahan, manunubus ko nga linansang sa Cruz ug mabangis nga pagkadagmal nga sa hilabihan nga kabun-og namatay ka, aron ako mabuhì sa kanunay ug imo nga timaan sa imong dili matugkad nga gugma, gitukod mo, ang katingalahan nga Sacramento sa Sagrada Eucaristia, aron mahimo ako nga maga-agak niinn, nga mamingaw nga paglakaw padulong sa walay katapusad nga mahimo nga usara ko ka kalipay ug tabang sa dili maisip nga mga kasakit ug kagoul nga kanunay kong gibati.

Oh Jesus ko! tanang nga hiyas (1) nga mangabut kanamo anha magadaldig dig gikan sa imong matam-is uyamut nga kasingkasing kanunay nga maloloy-on alang sa tanan nga makasasala nga kanimo mangilaba.

Ako mangaliop kanimo, Jesus sa akong kinabuhì, himoa nga mohunong ang ako nga pag-antus. Walay lain nga kinahanglan ug dili ang imong diosnon nga pagbuot, aron ang akong mga kasuko mahimo nga himaya. Kinsay midangop kanimo. Kinsay nangamuyo sa imo nga mapuanguon nga kasing-

(1) Prodigio

(1) Gracia
kasing nga wala tabangi dihadiha.
Kaloy-a, Amahan ko, kaloy-a, ihatag kanako tungud sa malomo mo uyamut nga inahan, ang Ulay nga Maria. (Usa ka Amahan namo, ang pag-ampon sa Sagrado nga Kasingkasing ni Jesus, pag-ampon sa ulay ug mahal nga Maria ug ang Himno nga anaa sa katupusan.)

IKATOTOLO KA ADLAW

Oh Dios Espiritu Santo! gugma nga diosnon, walay kinutuban, daku, halangdon, santo, santo, santo. Ikaw mao ang tuburan, ang sinudan, ang hinungdan ug ang kinadak-an sa tanan nga kaayohan.

Ako kanimo magsimba, Dios ko; ug kanimo ihalad ko ang Kasingkasing sa ako nga hinalaran ug hinigugma nga Jesus, diin magtigum ang tanan nga mga virtudes, ang labing daku nga kaayohan, mga hiyas ug ang imong mga hatag ug gahum.

Oh Espiritu Santo! maglilipay sa mga kalag, lipaya ang kalag ko.
(Usa ka Amahan namo, ang pag-ampon sa Sagrado nga Kasingkasing ni Jesus, ang pag-ampon sa Santos uyamut ug Ulay nga Maria ug ang Himno nga anaa sa katupusan.)

HIMNO

sa Sagrado nga Kasingkasing ni Jesus

Oh maabiabihon nga kasingkasing! (matam-is nga paglaum.
Sa tawo nga sa kapaitan nahisaum, Oh Diosnong tuburan sa Kalomo, Nga gipahat mo nga tanan kanamo!

Bulahang dunggan, diin makita sa (magsasakay, Ang kalipay nga sa kasakit iyang gi-pangamuyo, Masigang adlaw, nga ang yuta gidan-(agan mo, Sa mga silaw mo maggikan ang ta-(nang kaayo.

Sugá nga gapahibalo sa matahum ni-(yang hayag Sa dagat ning kinabuhi, matam-is nga (kalinaw, Tuburan nga husay nga nagdasig sa (kalag Nga gikapuyan nag-antus ug panghu-(paw.

Putot sa lirio nga inigbuklad sa iyang (mga dahon Tibook nga yuta sa kahumut iyang (lokpon, Hipusanang putli diin katipigan Bahandi sa gugma ug mga kalipay.
Maanindot nga salag diin anha tagu-a
Mahinul'solong kalag nga kanimo ga-
(hunahuna,
Dakung langdong sa kahoyng diosnon
Pasilungananan batok sa gahum yawan-
(on.

Mahigugmaon Pastor nga sa iyang
(hayop
Padulong sa toril magbugaw, mahinay,
(ug maaghop,
Matin-awong tubig sa putling tuburan
Nga sa kalipay, magsabwag ning ka-
(libutan.

Kanimo nagpatugbaw sa ilang honi
(ang kalanggaman.
Inigsilib sa banagbanag mahusay ug
(mapuapua
Padulong kanimo ang huyohoy mag-
(daladala
Gikan sa mga lirios, matam-is nga
(baho nila.

Kanimo padulong ang sapa nga ma-
(tin-aw
Sa iyang paningog malanog ug ma-
(mingaw
Ug ang maulawong tokmo sa iyang
(ugoyugoy
Ug sa kalasangan, sa iyang awit, ang
(siloy.

Ang mga bulak, inigbukad padala ka-
(nimo
Sa ilang matam-is ug ulay nga baho
Ug ang masigang adlaw, nga sa pa-
(nganod pagsilib
Sa iyang siga nga masihag hindik ug
(mainit-init.

Kanimo ang bulan, nga sa panganod
(gadagandagan
Mopadala sa mga adlaw nga mabug-
(nawon
Nianang takna, nga sa kalibutan sa
(kagabhi-on
Ang kasaba mag-anam kapawong ug
(kahilum.

Tungud kanimo, ang kamanananapan sa
(kalipayan
Nagpuyo sa mapait ug masiot nga
(lasang
Ug mga banog nga sa kahitas-an ga-
(lupad
Mihunong sa iyang mapahitas-on nga
(paglupad.

Ug tungud kanimo magtinan-away sa
(kalangitan
Daghang panganod bulawanon rosa
(ug mapuwa
Nga sunod sa gabiing malinaw
Maputi sama sa gapas mangahimo
(sila.
Oh Kasingkasing nga mahinuklugon!
(kanimo modangup kami
Nga sa salag mahadlukong punay
Mangita inighuros sa kahanginan
Nga kaha, molangkat sa iyang anak
(nga tanan.

Ug sama sa tuburan sa kinabuhi ug
(kalumo,
Sa iyang tubig ang kalipay pangitaon
(namo
Sa mainit nga dalan, sama sa mag-
(lalakaw
Nga sa iyang uhaw buot motagbaw.
Tawga kami, mahigugmaon sa imong
(puloy-anan
Himo-a nga sa kalayo sa imong gug-
(ma magdilaab
Ang Santos mong ngalan pagbalikba-
(likan
Kining masulob-ong kinabuhi among
(latason.

Ug inigkatapus ning makalolooying ki-
(nabuhi
Kanunay gahilak ug nasakit
Kasingkasing ni Jesus sa takna nga
(katapusan
Kining mahigugmaon ngabil kanimo
(magangalan.

(KATAPUSAN)

---0---

PAGHALAD

sa Sagrado nga Kasingkasing ni Jesus

Ako (N. N.) mohatag Kanimo sa
akong kasingkasing, ug ihalad ko Ka-
nimo ang tibuok ko nga kaugalingon,
tungud sa pagpasalamanat ug sa gugma
ko Kanimo. Dawata sila sama sa usa
ka bayad sa ako Kanimo nga pagluib
ug tinabangan mo, isaad ko ang dili
na gayud pagpakasala pag-usab.

V. Kasingkasing ni Jesus nga ga-
dilaab sa gugma kanamo.

R. Padilaaba ang among kasingka-
sing sa gugma Kanimo.

MAG-AMPO KITA

Ginoo, mangamuyo kami, himoa nga
ang Imong Santos nga Espiritu maka-
dagkut sa among mga kasingkasing
nianang kalayo sa gugma, nga gina-
padala sa among Ginoo Jesucristo nga
Imong Anak gikan sa ilawom sa Iyang
Kasingkasing dinhi sa yuta ug gibut-
an Niya nga magdilaab kaayo Siya
nga nagapuyo ug nagahari uban Ka-
nimo ug sa Espiritu Santo, Dios sa
walay katapusan. Amen.

(Indulgencea 300 ka adlaw panga-
dyeon sa maka usa. Pio VII, Marzo
2, 1815.)
(Ning mga pag-ampo nga tanan, mahimo sa pagpangadye sa tagsa ka Amahan name ug Gloria.)

MGA SAAD NI JESUS

000

1.—Sa kinabuhi ug sa kamatayan Ako mamahimo nga ilang dalangpan.

2.—Ako silang hatagan sa tanan nga gracias nga ilang kinahanglanon sa ilang kagawasan.

3.—Hatagan Ko sa pagdait ang mga kabanayan. Panalanginan Ko ang mga dapit diin ginadayeg ug gisaulog ang larawan sa Akong kasingkasing.

4.—Akong lipayon ang ngatanan nila nga kagul-anan.

5.—Bubu-an Ko sa daghan nga mga pan alangin ang tanan nila nga buhatonon.

6.—Ang mga makasasala makakaplag sa Akong kasingkasing sa usa ka lawod sa mga kaloooy.

7.—Ang mga kalag nga mabugnaw makakaplag sa dakung kadasig. Ang mga kalag nga madasigon madali da nga makadangat sa kahingpitan.

8.—Alang niadtong nanaghago alang sa kagawasan sa mga kalag ihatag Ko ang gahum sa paglukmaysa mga kasingkasing nga labing matig-a.

9.—Hinunduman Ko gayud sa kanunay ang tanan nga mahimo sa usa ka kalag alang sa labing dakung himaya sa akong kasingkasing ang mga ngalan niadtong managsabwag ning devocion sa Siyam Ka Unang Viernes.


Tungud kay ang maayong tawo nga matinummanon sa akong mga sugo, miingon ang Dios, gapahiluna sa tanan niyang paglaum kanako, siya luwason ko sa tanan nga kadautan; siya ako nga panalipdan, kay nakaila ug nagatawag sa ako nga ngalan. (David Ps. XC. V. 14.)
NOVENA

Sa Amahan Nga Langitnon, Sa Pagpangayo Kaniya Tungud Sa Ngalan Sa Iyang Anak Nga Si Jesus

Oh Dios nga makagagahum uya-mut ug maloloy-on! Tan-awa nga nagahapa sa tiil mo aron sa pagpangayo muyo sa imong santos nga kaloooy ug pasaylo sa among daghan kaayong mga sala.


V. Oh Amahan nga langitnon!

R. Pamatia ang among mga hangyo tungud sa ngalan sa imo nga anak nga si Jesus. (Makalima usab usaba.)

PAG-AMPO


156 Tip. de Sto. Tomas, Manila 1916.